

آبونه اولمق ایستینلر دائره عدلیه ده
اداره مخصوصه سنه مراجعت
ایتمیلدر

اعلاناک بهرنندن بر مجیدیه اخذ
ایدیلور

نسخه سی ۴۰ پاره در

قانونک مابعدی

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توضیحات

ادرنه و سلاطینک ولایتلری عدلیه مفتش لرندن
عزتلو ملتون اقدینک یرینه دیار بکر و معموره العزیز
ولایتلری عدلیه مفتش معاونی عزتلو آرتین موسدیحیان
اقدی تعیین بیورلمش و مومی الیه ذاتاً مخالف بولنمشدر.

مرعیت احکامنه بالاستیذان اراده سنیه
حضرت پادشاهی شرفصدور بیوریلان تمغا
قانونک مابعدی:

قسم رابع - حصه اوزرینه مؤسس شرکتلر سنداتی
بیاننده در

یکرمی برنجی ماده

با فرمان عالی تشکیل ایدیه جک هر نوع شرکتلرک
موقت و یا قطعی حصه سنداتی رأس المال اعتبار بسنک
یوزده یارمی نسبتنده بردفعه لقا اولمق اوزره پول رسمنه
تابع اوله جقدر و یوز غروش کسوراتی یوز غروش
اعتبار ایدیه جقدر.

یکرمی ایکنجی ماده

مذکور شرکتلر طرفندن اخراج اوله جق موقت
و یا قطعی تحویلات قیمت اعتباریه لری اوزرندن یوز
غروشده و یا یوز غروش کسوراتنده اون پاره حسابیه
پول رسمنه تابع اوله جقدر.

یکرمی اوچنجی ماده

بر آونیم شرکتک مدتق تمدید ایدلکده سرمایه
اعتباریسی اوزرندن یکیدن یوزده یارم حسابیه تمغا
رسمی آله جقدر.

یکرمی دردنجی ماده

بر شرکتک رأس المالی حتی حصه سندات جدیدیه سی
اخراج ایدلکسزین دخی تربید ایدیه جک اولورسه
تمغا رسمی سرمایه ضم اولنان مقدار اوزرندن تحصیل
ایدیلور.
حصه سندات و تحویلاتی رسم تمغایه تابع اولیان

بر شرکت ایل برلشان شرکتلر سرمایه سنک قسم
مترایدی ایچون عین رسم استیفا ایدیلور.

یکرمی بشنجی ماده

یکرمی بر ویکرمی ایکنجی ماده لرده بیان اولنان
تحویلات و حصه سنداتی و سائر اوله پولی الصاق
ایدلکسزین موقع ندازه وضع ایدیه من. اصولاً
تمغالتمش سندات موقتله لری ابراز اولندینی حالده حصه
سندات قطعییه سی یکی بر رسم تأدیه ایدلکسزین تمغالنور
سندات جدیدیه اخراج ایدلکی و سندات ابتدائیه نک
مواد اصلیه سنجه یعنی رأس المال و فائض و تقاسیم سنجه
تعديلات اجرا قلنمیدینی حالده سندات جدیدیه
عتیق لرنک ابرازنده مجاناً تمغالنور.

یکرمی التنجی ماده

حصه سندات و تحویلاتی تمغا رسمندن معاف
طوتیه جق شرکتلر مدت معافیتلرنجه عموم اسهمنک
تأدیه اوله جق رأس المالی اوزرندن بیکده بر حسابیه
تداول رسمی تأدیه ایدیه جکلر در. اشبور سمک تسویه
اولندینی شرکتلر طرفندن سنه نهایتنده دیون عمومیه
اداره سنه اعطا اوله جق جدولیه اشارت ایدیه جکلر.

یکرمی بدنجی ماده

ممالک شاهانه ده آلتوب ساتیلان هر نوع اسهمن
اجنبیه قیمت اعتباریه لری اوزرندن یوزده بر ربع
نسبتنده رسمه تابعدر. و قیمت اعتباریه لری معین
اولندینی صورتده قیمت حقیقیه لری اوزرندن استیقای
رسوم اولنور.

فصل رابع - معافیات

برنجی فقره

دوائر بیننده تعاطی اولنان اوراق

یکرمی سکرنجی ماده

آئیده تعداد اولنان اوراق و سندات تمغا رسمندن
معافدر.

۱ دوائر رسمیه و خزائن و مال صندوقلری
بیننده تعاطی اولنان اوراق

۲ دوائر رسمیه و توتون رژیسنه اعطا اولنان
پوسته و تلغراف مقبوضلری

۳ ائمه طرفندن قضاتیه و محاکمه ارسال اولنان
مستورله ر.

ایکنجی فقره

دوائر ایله افراد بیننده تعاطی اولنان اوراق

۴ دوائر حکومت سنیه ایله بانق عثمانی بیننده کی
معاملات مالیه دائر اولان اوراق

۵ رسوم مقطوعه تعرفه سننده ذکر و تعداد
اولنانلردن مانعاً زراعت باقیه سنجه تنظیم اولنان اوراق
۶ معاملات داخلیه سنه دائر امنیت صندوقه
تنظیم اولنان و افراد و یریلان و یا صندوقه حفظ
اولنان اوراق

۷ شرق تیمور یوللری شرکتک امتیاز و تشکله
متعلق اولان اوراق

۸ تمغا قانونه مخالف حرکاته متعلق اولان
اعلانات

۹ افرادک دوائر رسمیه اقراض ایدلکری
مبالغک تأدیه سنه مقابل میری صندوقلرینه و یردکری
مقبوضلر

۱۰ رسمی مزایده و مناقصه لره اشتراک ایدنلر
طرفندن وضع اولنان دیپوزیتو اچملرنک رد و اعا.
ده سننده اعطا اولنان مقبوض و ابرا سندلری

۱۱ کفلانک اعتبار مالیه بین رسمی تصدیه
یقنامه لری ایله بومعاملیه دائر و یریلان شهادتنامه لری

۱۲ اجرا دائره لرنک طرف محکومدن وقوع
بولان تحصیلاته دائر اولان مقبوضلری

۱۳ تقاعد صندوقلرنجه تنظیم اولنوب متقاعدینه
و ایتام و ارامله اعطا اولنان اوراق

۱۴ رسم و ویرکولرک تأدیه سی حقنده مکلفینه
تبلیغ اولنان اخبارنامه لری

۱۵ امضا و مهرلرک رسمی تصدیقنامه لری
۱۶ السنه اجنبیه اوزره تمغا قانونی احکامی

خلافتیه تنظیم اولنش اولان اوراقک صورت مترجمه لری
۱۷ کفلا درجه تروتنک یوقلمه سنه مخصوص
اوراق

۱۸ دوائر رسمیه و خزائن و مال صندوقلرندن

افزاده و بریلان صورت و سرکیر

- ۱۹ متقاعدین عسکره ایله عساکر شاهانه ایتم و اراملی حقدن کی یوقلمه علم و خبرلری
- ۲۰ سکنه سندن بولندقلری قضا داخلنده مناصات و مزایاده اشتراک اتمک آرزوسنده بولسان اشخاصک تقدیر ثروتلری حقدن کی مضطهلر
- ۲۱ تیمور بولر نظامات ضابطه سنه مغایر احواله دائر اوراق

- ۲۲ ممالک شاهانه تحفظخانه لرندن چچقان یوجیلره مأمورین بحیه طرفندن و بریلان علم و خبرلر
- ۲۳ باش چاوشه قدر عساکر شاهانه و زاندارمه افرادینه و ایتم و ارامله اعطا اولنان اعلامات شرعیه
- ۲۴ بدل عسکر اعطا اتمک آرزوسنده بولنان عساکر شاهانه افرادی مستثنا اولق اوزره ترخیص ویا استبداللری اجرا اولنان و یاخود مأذون بولنان عساکر شاهانه (باش چاوشه قدر) متعلق مضطهلر
- ۲۵ باش چاوشه قدر عساکر شاهانه افرادینه معاشلری حقدن و بریلان ویا انلر طرفندن اعطا اولنان اوراق و سندات

- ۲۶ مأمورین طرفندن باش چاوشه قدر افراد عساکر شاهانه به و یاخود محتاجینه اعطا اولنان هر نوع علم و خبر و شهادت نامه لر
- ۲۷ سفرد بولنان عساکر شاهانه طرفندن ویا انلر ایچون تودیع اولنان مبالغه مقابل پوسته خانه لرحه و بریلان مقبوضلر

- ۲۸ باش چاوشه قدر افراد عساکر شاهانه طرفندن مصالح خصوصیه ایچون آمرلرینه تقدیم اولنان عرضحاللر

- ۲۹ پوسته حواله نامه لرله بولره متعلق مقبوضلر
- ۳۰ ممالک اجنبیه ارسال اولنان تهمدلی مکاتیب و اشیا ایچون پوسته خانه لرندن و بریلان مقبوضلر
- ۳۱ بشیوز غروش و آندن دون اوله رق متفادینه و یاخود عالم لرینه قاعد صندوقندن تخصیص قلنه حق معاشات حقدن کی شورای دولت مضطهلری
- ۳۲ حق تقاعده مالک اولیان محتاجین مأمورینه ویا حال ضرورته وفات ایدن مأمورین عالم لرینه دائر مضطهلر

(مابعدی وار)

تَبْلِیغات

احراق جرمیله مؤبد کورکه محکوم یالولی هاوش قاذبن ایله بر قتل ماده سندن طولانی اون بش سنه کورکه جزاسنه محکوم اولان قره هبوك قریه سندن محمد اوغلی حسینک معلولیت لرینه منی حققرنده عفو

عالی جناب جهانبانی شایان بیورلش و لمقله بر موجب امر و فرمان هایون ابقای مقتضای ضمنده عدلیه نظارت جلیله سندن معموره العزیز ولایتی استیناف مدعی عمومیکنه تبلیغات لازمه اجرا قلنمشدر .

محاکمات و مقدمات

در سعادت استیناف مدعی عمومیکلنده :

پارسه فرار ایتدیک و ارباب قساددن اولدینی ادعاسیله مظنون علیه اولان غازیوری افندیکن اصول محاکمات جزاییه قانوننک مواد مخصوصه سی احکامنه توفیقاً در سعادت جنایت محکمه سنده محاکمه سی اجرا قلنمق اوزره قانون جزانک الی سکرنجی ماده سی موجب جنایتله اتهامنه قرار ویرلدیکندن متهم مرقومک هر نره ده کوریلورسه طوتیلوب محکمه مذکوره توقیفخانه سنه تسلیمی لازم کله چکی بالجه ضابطه عدلیه مأمورلرینک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتتظلم اعطا قلندی .

محکمه تمیز استدعا دائر سندن تنظیم واعطا قلنان ۱۷ کانون ثانی سنه ۳۱۹ تاریخلی اعلامدر :

کلیک قصبه سی اها لیسندن بنا یوط و بخدوملری فوطیوس و انسطاش لاسقاردیس ایله بنیلرند متکون دعوا به دائر خداوندکار ولایتی مرکز تجارت محکمه سندن استینافاً صادر اولان ۲۳ کانون اول سنه ۳۱۸ تاریخلی اعلامک تمیزنی مستدعی قصبه مذکوره ده ساکن تجارتدن انسطاش پنباجی افندیکن ویردیکی عرضحال و متفرعاتی باش مدعی عمومیک مأموریت بهیه سنک مطالعه نامه سیله برلشدیرلرک محکمه تمیز استدعا دائر سنده لدی التذقیق مدت و شروط قانو نه سنه موافق اولدیفنه و اعلام مذکورک قابل تمیز اولدینی هیئت عمومیه جه اکثریتله قرار آتته النش بولندیفنه منی عرضحال مذکورک قبولنه و اعلام مذکورک نتیجه قراری وظیفه به متعلق اولق اعتباریه تدقیق دخی استدعا دائر سنده عائد اولدیفنه اکثریتله قرار ویرلدکن صکره تدقیقات تمیزیه اجرا سنه ایتدار اولندی .

اعلام مذکورک خلاصه مالی مرقوم انسطاش پنباجی افندیکن مرقومون بنا یوط و فوطیوس و انسطاش لاسقاردیس ذمتلرند حریرنجی بدلندن و تجارتدن آله جنی اولدینی تحقق ایدن اوج بیک ایکیوز اوتوز بدی عدد لیرای عثانی و اوتوز بدی غروشک مع قانض بالتحصیل مدعی مرقوم انسطاش افندی به اعطاسنه دائر کلیک قضای بدایت محکمه سی تجارت قسمندن صادر اولان اعلام غیبی علیه مرقومون بنا یوط و فوطیوس و انسطاش لاسقاردیس طرفلرندن استیناف دعوی و قوبله جریان ایدن محاکمه استینافیه انناسنده مستأنف علیه انسطاش پنباجی افندی وکیلی اوج بیک ایکیوز کسور لیرانک تحصیلنه دائر اولان حکم مستأنف بهک ضرر و زیان و مصارف سفریه سی یوز لیرایه و مبلغ مذکورک قانضی اوج یوز لیرایه بالغ اوله جنی جهته اون بریک کسور غروش راده سنده اولان استیناف کفالت سندی کافی و مقبول اولمدیفندن ومدت استیناف دخی مرور ایتدیکندن بختله استیناف استدعاینامه سنک ردی لازم کله چکی درمیان اتمی اوزرینه اول امرده بوجهت لدی المذاکره مذکور کفالتنامه مندرجاتی موافق قانون اوله رق تنظیم قلنمش و مصارف محاکمه و سفریه ایله تقدیر اولنه حق ایام معطله سندن منبعت ضرر و زیانک تأمیننه کافی بولنش ایدوک بیانیله وکیل مومی الهک بوبایدکی اعتراضک ردیه قرار ویرلسی اوزرینه مستأفتر وکیلی موکلرندن انسطاش لاسقاردیس سنین و فیرده نبرو ممالک ایرانیه ده رشت قصبه سنده متمکن و محل مذکوره حریرنجی و قوزده تجارتیه مشغول اولدینی و هر دعوانک مدعی علیه اقامتکاهی محکمه سنده رؤتی حکم قانون ایجابندن بولندینی کبی مستأنف علیه پنباجی افندی طرفندن موکی مرقوم علیه مقدمه طهران سفارت سنیه سنه مراجعتله اقامه دعوی ایدلش والیوم دعوی مذکوره در دست رؤیت بولنش اولدیفنی و مستدعی مومی اله قوزه تخمی یتشدیرمکه مشغول اولوب تخم یتشدیرمک عینیه حیوان بیوتکم معامله سی اوله رق امور ذراعیه دن معدود بولندینی و بنا برین دعوی واقعه نک رؤتی محکمه تجارتک وظیفه سی خارجنده اولدینی حاله محکمه استینافیه جه وظیفه و صلاحیت حقدن کی قرار استینافینک بالمقابله قضی استدعاسندن و مطالعه نامه نک مفادیده مندرجات اعلامه نظراً دعوی واقعه قنما طهران سفارت سنیه سی قنجلاریه سنده در دست رؤیت اولدینی سفارت مشار الهانک میرز و مصدق و رفقه سندن اکلاشلش و معامله واقعه نکده معامله عادیه دن اولوب قانوننامه تجارتک تعریفاتی دائر سنده امور تجارتیه دن منبعت بولندینی بدیهی بولنش اولدیفنه منی اعلام مذکورک قضی لازم کله چکی بیانندن عبارت بولنمشدر .

صفت تجاریه نی حائز اولدقلری و معامله واقعه نک دخی تجارت قصبیه مستعداً و قوعوبولدینی اکلاشلدیفنه بناءً مستأفتر وکیلک وظیفه و صلاحیت حقدن کی اعتراضاتک ردیه و اساس ماده حقدن سبق ایدن تدقیقات استینافیه نتیجه سنده اصولدن و اسباب قانونیه دن دولای اعلام مستأنف بهک فسخیه کیفیتک یکیدن بالرویه اعلامه ربطی ضمنده درجه اولی محکمه سنه اعاده سنه قرار ویرلدیکندن و مستدعی تمیز انسطاش پنباجی افندیکن اشبو قرار علیه لایحه سنده مندرج اعتراضاتک خلاصه سی دخی یوز لیرا راده سنده برمبلقندن عبارت بولنان استیناف کفالت سنندیکن حکم مستأنف بهک قانض و ضرر و زیان و مصارف محاکمه و اجرت و کالتله تقابل اتمیه چکی و بناءً علیه بویه برکفالتک قبولی لازم کله چکی حقدن غند الاستیناف درمیان ایلدیک اعتراضک خلاف قانون اوله رق ردی جهته کیدلسی و مغایر قانون برطاقم اسباب سردیه اعلام ایتداینک فسخنه قرار ویرلسی مخالف قانون ایدوکندن بختله اعلام استینافینک قضی و مدعی علیه مندن بنا یوط لاسقاردیس ایله فوطیوس و انسطاش و مرقوم بنا یوط وکیللری عادلک جانبندن و بریلان ایکی قطعه جواب لایحه سنده دخی اعتراضات مسروده غیروارد اولوب الحق انسطاش لاسقاردیسک محل اقامتی ممالک ایرانیه نک رشت شهری اولدینی کبی مستدعی تمیز پنباجی افندی طرفندن مرقوم علیه طهران سفارت سنیه سنده اقامه اولنان دعوی دخی سفارت مذکوره ده در دست رؤیت بولنش اولدینی و مستدعی مومی اله قوزه تخمی یتشدیرمکه مشغول اولوب تخم یتشدیرمک عینیه حیوان بیوتکم معامله سی اوله رق امور ذراعیه دن معدود بولندینی و بنا برین دعوی واقعه نک رؤتی محکمه تجارتک وظیفه سی خارجنده اولدینی حاله محکمه استینافیه جه وظیفه و صلاحیت حقدن کی قرار استینافینک بالمقابله قضی استدعاسندن و مطالعه نامه نک مفادیده مندرجات اعلامه نظراً دعوی واقعه قنما طهران سفارت سنیه سی قنجلاریه سنده در دست رؤیت اولدینی سفارت مشار الهانک میرز و مصدق و رفقه سندن اکلاشلش و معامله واقعه نکده معامله عادیه دن اولوب قانوننامه تجارتک تعریفاتی دائر سنده امور تجارتیه دن منبعت بولندینی بدیهی بولنش اولدیفنه منی اعلام مذکورک قضی لازم کله چکی بیانندن عبارت بولنمشدر .

ایجابی لدی المذاکره شرائط استینافیه دن اولان کفالت سندی حقدن مستأنف علیه وکیلی طرفندن درمیان ایدیلان اعتراض ایله مستأفتر وکیلی جانبندن وظیفه و صلاحیت دائر سرد اولنان اعتراضاتک ردیه

دعوی واقعه نک رؤتی کلیک بدایت محکمه سی تجارت قسمنک وظیفه و صلاحیتی داخلنده اولدیفنه متدائر اولان قرارلر موافق اصول و قانون کورند یکندن مقررات مذکوره علیه سرد ایدیلان اعتراضاتک ردیه مذکور قرارلرک تصدیقه و الحق حکم قطعی منضم اولان اعلام ایتداینک محکمه استینافیه جه فسخندن صکره اصول محاکمات حقوقیه قانوننک یوزطقسان بدیجی ماده سنک فقره اخیره سی موجبجه کیفیتک رؤیت و اکالی لازم کلور ایکن مذکور استیناف محکمه سی اعلام مذکور بعدالفسخ کیفیت درجه اولی محکمه سنده اعاده اتمی ماده مذکور ره حکمنه مغایر کورندیکندن قانون مزبورک ایکیوز اوتوز ایکجی ماده سی حکمنه توفیقاً اعلام استیناف مذکورک بالکنر بوجهتد نظولای قضیه کیفیتک رؤیت و اکالی ضمنده محکمه استینافیه به اعاده سنه و بشیوز قرق بش یحق غروش مصارف تمیزیه نک بالآخره حقمنزجیه حق طرفه راجع اولق اوزره اول امرده مستدعی تمیز انسطاش پنباجی افندیکن آلتسنه ۱۷ کانون ثانی سنه ۳۱۹ تاریخنده اکثریتله قرار ویرلدی .

بیرونده ساکن عباس بن عبدالمنافی قتل ایللرندن دولای جنایتله اتهام اولنان حدی ایله ذکر یانک اون بشر و عثانک اوج سنه مدتله کورکه قولنلرینه دائر بیروت ولایتی استیناف محکمه سی جزا دائر سندن و بریلان ۲۹۶ نومرو لی اعلام

نجیب بن بشاره ثانی قتل قصبه جرح ایلدیک ادا اولنسنندن دولای جنایتله اتهام اولنان حسین بن محمدک اوج سنه مدتله کورکه قولنلرینه دائر بیروت ولایتی استیناف محکمه سی جزا دائر سندن و بریلان ۲۹۶ نومرو لی اعلام

اوخانس اوغلی خاجیکی قولندن جرح ایلدیک ادا اولنسنندن دولای جنایتله اتهام اولنان آراهچی اوننیکک اوج سنه مدتله کورکه قولنلرینه دائر تکفور طاعی سنجانجی بدایت محکمه سی جزا دائر سندن و بریلان ۳۱۳ نومرو لی اعلام

کسریک قریه سی اها لیسندن و زاندارمه افرادندن محمد اوغلی سعیدک لیلانچره چارچوبه سی شکست ایله خانه سنه بالدخول اشیا سی سرق ایلدیک ادا اولنسنندن دولای جنایتله اتهام اولنان طایوت اوغلی حجاتورک اوج سنه مدتله کورکه قولنلرینه دائر معموره العزیز ولایتی استیناف محکمه سی جزا دائر سندن و بریلان ۱۹۰ نومرو لی اعلام

اعظمیه قصبه سنک شیوخ محله سندن صالح بن مهدینک ماده قتلندن دولای جنایتله اتهام اولنان حبیب بن اطوقینک اون بش سنه مدتله کورکه قولنلرینه

دائر بغداد ولایتی استیناف محکمه سی جزا دائر سندن و بریلان ۱۷ نومرو لی اعلام

اوجقیو قریه سی جوادنده ابراهیمک دوه سی غصب ایتسنندن دولای جنایتله اتهام اولنان علی بن سیدک اوج سنه مدتله کورکه قولنلرینه دائر دیاربکر ولایتی استیناف محکمه سی جزا دائر سندن و بریلان ۱۰۱ نومرو لی اعلام محکمه تمیز جزا دائر سنبجه تصدیق اولنمشدر .

احمد زهاب افندیکن ورژنی ضرب ایتدیک ثابت اوله مدیفندن برانته

نیقولینک النی ضرب ایتدیک تبیین ایدمه دیکندن برانته

فوطینک سرسریلکی اکلاشیه مدیفندن برانته

بحورک دیمتری ضرب ایتدیک ثابت اوله مدیفندن برانته

ایلیانک یودای ضرب ایلدیک ثابت اوله مدیفندن برانته

علی غالب افندی به ناموسه طوقور سوزسویلدیک تبیین ایدن بک اوغلی لغرافخانه مأمورلرندن عزیز افندیکن برلیرا جزای نقدی آلتسنه

بیکده ساکن نیقوله ایله ایتالیالی بلانچونک یکدیگرکی ضرب ایلدیک ثابت اولدیفندن نیقوله نک برهفته و بلانچونک اون کون حبسلرینه

اثر خطا اوله رق حی قسطنطنیک بحرو حیتنه سببیت ویردیکی ثابت اولان اورنه کوبده اینکهی هاشم بن اسماعیلدن اجرت جراحیه اوله رق طقسان غروشک تحصیلنه

آرتینک امانت لری کتم ایله سوء استعماله جرأت ایلدیک ثابت اولان قبان دقیده مقیم بورکینک ایکی آی حبسنه و امانت لری بدلی اوله رق تقدیر ایدیلان ایکیوز یکریمی بش غروشک تحصیلنه و مبلغ مذکورک دخی جزای نقدی اوله رق استفا سنه

دیمتری به ناموسه طوقور سوز سوبیلان نشان طاشنده ساکن مصطفادن یارم لیرا جزای نقدی اخذینه

توفیقک ساعتی سرق ایدن مانولک اوج آی حبسیله ختام مدت جزای سنده ضابطه جه کفالت آلتنه آلتسنه ایتالیایی جرح ایتدیک شهادتله ثابت اولان کتبه دن حسن افندیکن ایکی آی حبسیله اوج لیرا آلتوب مجرو حیه اعطاسنه

خانه سی طاشلا بهرق حسینه اطاله لسان ایتدیک تحقیق ایدن فاطمه دن برلیرا جزای نقدی اخذینه

آورامک صی یاسنی ضرب ایلدیک ثابت اولدیفندن آورامدن یارم لیرا اخذیه یاسفه اعطاسنه

لبي نام كسني جرح ايتديكي تبين ايدن آرابه جي
علي بن خليل برهفته حبسه
قول اغاسي صدق بكك خانه سندن بعض اشيا
سرت ايدن آشي شبعانك التي آي حبسه
نيقولينك ليغوري ضرب واموال منقوله سنده
ايراث خسار ايتديكي ثابت اولديغندن اون كون حبسه
در سعادت ، بك اوغلي واسكدار بدایت محكمه لری
جزا دائره لر نجه قرار ویرلشد .

اعلانات

طربزوندن ارزنجانه اشياى تجاريه نقل ايتكمده
بولان كمشخانه لى قاطرجى رجب وممودك اوزرلرينه
بالهجوم معامله جبر وشدت اجراسيله معلوم الجنس
والمقدار اشياى تجاريه سنى نهب وغصب ايتلرند نطولاي
مظنون بولنانلردن پوسكوللى اوغللرى على وزينل
وقومو اوغلى يوسفك ارزنجان سنجاني بدایت محكمه
سى جزا دائره سنده محاكمه لری اجرا قلنمق اوزره
جنايتله اتهاملرينه قرار ویرلش وكندولرينك وادی
فرارده بولندقلرى اوراق تحقيقه ماللرندن آكلاشلمش
اولديغندن مرقومونك هر زرده كوريلورلر ايسه
دردستلرله محكمه مذكوره توقیفخانه سنده نقل وتسليم
ايدملرى لازم كله جي بالمله ضابطه عدليه مأمورلرينك
معلومی اولق اوزره اشبو اخذ وكرفت مذكره سى
ارضروم هیئت اتهامه سندن بالتنظیم اعطا قلندی .

ايكنجى تجارت محكمه سنده :

چارشوقوسنده شريف باشاخاننده مقيم قوميسيونجى
آغوب شيشمايانك ٣ حزينان سنه ٣٢٠ تاريخسندن
اعتباراً اعلان افلاسنه ومصالح افلاسيه نك رؤيت
وتسويه سى ضمنتده اعضاى محكمه دن سعادتلو
رضا بكك ژوز قوميسر ودعوى وكيللرندن كيغورق
علكسانيان ومارقوناخوم افسديلرك موقت سنديك
تعينلرينه ومغازه سيله اشياى زائده بيتيه سنى تمهيري
واوراق ودفاترينك جلبه وكندوسنك كفالت مصدقه
ارائه ايدمهديكي تقديرده توقيفنه وبو باده كي قرارك
موقه اجراسنه ايكنجى تجارت محكمه سندن قرار
ويرلش اولديغندن قانوننامه تجارتك ١٧٠ نجى ماده سى
موجبجه دائمى سنديكلى انتخاب اولنقى اوزره (١٧
حزينان سنه ٣٢٠) پنجشنبه كوني ساعت يدي راده .
لزنده اصحاب مطلوبك محكمه مذكوره نك افلاس اوطنه سنده
كللى اعلان اولنور .

زيتون ياغى اسكله سنده ٣ نومرولى دكانده ساكن

ايكن ايكنجى محكمه تجارتدن افلاسنه حكم اولنش
اولان زيتون ياغى ميخال موراطينك خصوصات
افلاسيه سنى رؤيت وتسويه سى ضمنتده دعوى
وكيللرندن افتاديوس اوريوپولوس اصالة سنديك
تعين قلنمش اولديغندن مفلس مرقوم ذمتده آله جنى
اولنلرك قانوننامه تجارتك ١٩٩ و ٢٠٠ نجى ماده لرى
موجبجه تحقيق ديون ايچون تاريخ اعلاندن اعتباراً
يكرمى بركون ظرفنده سنداتى محكمه كاتبه تسليم
ايللرى ومدت مذكوره ختامندن صكره اوچ كونده
يعنى [٢٢ ، ٢٣ ، ٢٤ حزينان سنه ٣٢٠] صالى
وجهارشنبه ونجشنبه كونلرى ايكنجى محكمه تجارتك
افلاس اوطنه سنده كلرك سنديك اقتدى مواجهه سنده
اله جقلىرى اثبات وقيد وتصديق ايتديرملرى ومدت
مذكوره ده اثبات وجود ايدمهديان اله جقلىلر حقنده
قانون مذكورك ٢١٠ نجى ماده سنده توفيقاً ايفاي
معامله اولنه جنى اعلان اولنور .

مذاهبه رايى مركز تجارت محكمه سنده :

بروسه ده اوزون چارشوده تجارتله مشغول ايكن
خداوندكار ولايتى مركز تجارت محكمه سندن افلاسنه
حكم اولنش اولان كورجى ديموستنى زاخاروبولوسك
خصوصات افلاسيه سنى رؤيت وتسويه سى ضمنتده
محكمه مذكوره ضبط كاتبلرندن عثمان نورى اقتدى
ايله بروسه ده خفافخانه چارشوسنده كورجى
مقصودقوردىكيانك اصالة دائمى سنديك تعين قلنمش
اولدقلرندن مفلس مرقوم ذمتده آله جنى اولانلرك
قانوننامه تجارتك ١٩٩ و ٢٠٠ نجى ماده لرى موجبجه
تحقيق ديون ايچون تاريخ اعلاندن اعتباراً يكرمى بر
كون ظرفنده سنداتى محكمه كاتبه تسليم ايللرى
ومدت مذكوره ختامندن صكره اوچ كونده يعنى
شهر نيسانك يكرمى يدنجى صالى ويكرمى سكرنجى
چهارشنبه ويكرمى طقوزنجى پنجشنبه كونلرى بروسه
مركز تجارت محكمه سنى افلاس اوطنه سنده كلرك
سنديك اقتدىلر مواجهه سنده اله جقلىرى اثبات وقيد
وتصديق ايتديرملرى ومدت مذكوره ده اثبات وجود
ايدمهديان اله جقلىلر حقنده قانون مذكورك ٢١٠ نجى
ماده سنده توفيقاً ايفاي معامله اولنه جنى اعلان اولنور .

ساقز تجارت محكمه سنده :

ساقز جزيره سى اهالى سندن ودباغ تجارتدن ايكن
ساقز تجارت محكمه سندن افلاسنه حكم اولنش اولان
ديمتري ژه بو ذمتده الاجفى اثبات ويا موقتاً قبول
وقيد ايتديرمش اولان آلاجلولرك قانوننامه تجارتك
٢١١ نجى وآنى ولى ايدن ماده سى موجبجه تكليف

اولنه جنى قونقورداتونك مذاكره سى ايچون حزينانك
يكرمى دردنجى پنجشنبه كوني صباحين ساعت ايكيده
محكمه مذكوره نك افلاس اوطنه سنده كللى اعلان
اولنور .

محكمه كبير بدایت محكمه سى اجرا دائره سنده :

بيوك چكمجه قضاسنه تابع قاليقراطيه قريه سى
اهالى سندن ديمو اوغلى قسطنطينك قضاء مذكوره
تابع پولايه قريه سى اهالى سندن هرمن اوغلى آندون
ونيقوله ذمتلرنده محكوم به آلاجنى اولان مبالغ معلو .
مه نك تأمين تسويه سى ضمنتده محجوز بولنان مذكور
پولايه قريه سنده كائن برباب مغازه درتيوز اللى وقره
اغاج موقعنده درت دونم ايكي اولك ترلا بشيوز قرق
ويماج موقعنده اون سكرز دونم ترلا اوچيوز يتمش
بش وقوقاله موقعنده اون دونم باغ بشيوز اللى
وماصلاق موقعنده ايكي دونم ترلا ايكي يوز يتمش
غروشده لى المزايد طالبلى عهده سنده تقرر
ايدرك قراردادده سى كشيده قلنمش اولغله يوزده بش
ضميله زياده به طالب اولانلرك اشبو تاريخ اعلاندن
اعتباراً اوتوز بركون ظرفنده بيوك چكمجه قضاسى
بدایت محكمه سى اجرا دائره سنده مراجعت ايتلرى
اعلان اولنور .

ازميد بدایت محكمه سى اجرا دائره سنده :

ازميدك عمر اغا محله سنده ساكنه متوفاة اللى قادين
قزى آنكللى ايله اوغلى واسيلك ازميد محكمه شرعيه سندن
استحصال ايلوب موقع اجرايه وضع ايلدكلرى بر
قطعه اعلام شرعى موجبجه متوفاة مزبورده نك تركه سنده
واضع اليداوان برادرى ازميدضبطيه افرادندن آندون
ذمتده مشتركاً اله جقلىرى اولان درت بيك غروشك
تأمين استيفاسى ضمنتده متوفاة مزبورده نك متصرفه
اولدينى اوچيوز سنده دائمى دفترينك ايكويوز اوتوز
سكرنومروسنده مقيد معلوم الحدود برباب ملك منزلك
درت حصه اعتباريله بر حصه سى اولجه حجاز آلتنه آلدنيغندن
لدى المزايد درتيوز غروشده طالبى عهده سنده تقرر
ايدرك موقت قراردادده سى كشيده قلنمش اولديغندن
يوزده بش ضمله زياده به طالب اولانلرك اوتوز بر
كون ظرفنده ديوزيتو اچلرلى ويا معتبر كفيلىلرلى
مستصحباً ازميد اجرا مأموريتنه مراجعت ايللرى
اعلان اولنور .